



# Վահան Տերյան

## Հատված

Հոգնատանջ սրտով նստեցի մենակ  
Աշխարհում աղոտ,  
Անհայտ կողմերի մութ ճանապարհին,  
Ավեր շենքերի մոխիրների մոտ,  
Աշնան օրերի գունատ մահացող  
Ծաղիկների մեջ, ցուրտ հողի վրա,  
Ծանր երկնքի տաղտկորեն լացող  
Անձրևների տակ.  
Մոռացա բոլոր հողմերն առօրյա,  
Ցանկություններըս ապարդյուն ու սին,  
Անմիտ և ունայն տենչերիս ուղին,  
Սուտ վարդերն ու սուր փշերը նրա  
Մերժեցի ընդմիջտ, մատնեցի մահին,  
Անդարձ մոռացա...  
Եվ խավարն անհուն, գիշերն անթափանց  
Իր լայն թևերը փռեց իմ վրա...

Լուսեղեն և սուրբ սիրո երազը  
Խավարչտին կյանքում  
Եվ երջանկության ցնորքներըս հին,  
Եվ տառապանքի գիշերներն անքուն  
Իմ արտին ընդմիջտ օտար թվացին,  
Օտար թվացին...

Եվ չըկար ոչինչ, որ սիրտըս դյուծեր.